



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Capvt IV. Ex a eodem.

[urn:nbn:de:hbz:466:1-74544](#)

in appendice, cap. 87. Ius Sigeberti omnes Leudes Austriae rurum exercitu ad gradendum banniti sunt. Marculfus lib. 1. formul. cap. ult. habemus ut omnes pagenses vestros bannire, & locis congruis per civitates, viros, & castella congregare faciat. Plura Joannes Vossius de vitiis sermon. lib. 2. cap. 22. Bignonius ad Marculf. lib. 1. formul. cap. 40. Sic bannum pro denuntiatione, & editio ponitur lib. 3. cap. 66. & lib. 4. cap. 24. quo modo accipitur in presenti, & in cap. 55. 16. quæst. 1. cap. 13. de prescript. cap. tua 27. de spons. cap. 1. qui matrimonia accusare, cap. 2. 15. quæst. 4. ubi bannire significat editio adjecta poenam vocare. Inde etiam poena, seu multa editio non obtemperantibus, bannum dicitur sepe in Capitalibus congettis à Lindembrogio in glossario legum antiquo verbo *Bannus*: & etiam pro exilio & ejecutione plerumque ponitur, cum quis ejicitur à consortio fidelium: unde bannus Dei dicitur in Synodo Confluentina can. 6. & in Concilio Columensi part. 14. cap. 21. ibi: *Ceteros omnes nobiles, & ignobiles per bannum Christianitatis constringat.*

Non tamen semper bannus communionis ecclesiastice interdictum, sed prænam aliam ingreditur, veluti peregrinationis, aut jejunii. Quare in Concilio Salegust. can. 15. legitur, bannum jejunium, pro jejuno magno, & rigido: qualiter per eum bannum, sive iram Dei avertamus, ut exponit Landmeter. lib. 2. de veteri cleric. cap. 87. plura de banno, & ejus acceptationibus congefferunt Cironius lib. 1. observ. cap. 16. & in cap. olim, de injuriis, in 5. compil. Filefacus de origine parv. cap. 7. ad finem, & in cap. 1. §. 19. de offic. ordin. Bosquetus in notis ad Inno. III. lib. 1. epist. 95. Sirmondis ad capitul. Caroli, fol. 59. & 63. P. Pitheus lib. 2. advers. cap. 20. Chopinus lib. 1. de jurisd. Andegau. cap. 4. Stephanus Durantius qq. iur. quæst. 28. D. Nicolaus Anton. de exilio lib. 3. cap. 9. Beyerlinch. in Theatro, tom. 1. verbo *Bannus*. Unde banno Christianitatis parochianos costringi in presenti est editio per. plicatum cogi sub intermissione interdictionis communionis Christianæ.

CAPVT III.

Ex Concilio ^a Meldensi.

UT illæ, quæ quasi sanctimoniales sub velamine religionis degere cognoscuntur, sed potius juxta Apostolum in deliciis viventes, mortuæ in divinis oculis computantur, libidinibusque, & ceteris carnis voluptatibus inservire accusantur, si manifestè detegi potuerit, Episcopali auctoritate, & Regia potestate in talibus locis residere sub testimonio religioso cogantur, ubi poenitentiam si fecerit dignam, adsequantur etiam fructuofam. Si autem manifestè detegi non valuerint, erga Ecclesiam suæ opinionis malam famam legaliter purgare cogantur: & ut religiosus de cetero vivant, Episcopali decreto, & Regia potestate coercentur.

NOTÆ.

Meldensi.) Ita etiam legitur in prima collectione, sub hoc tit. cap. 2. & ex ipso Concilio citatur textus hic à Burchardo lib. 8. Decre.

ti, cap. 50. Carnotensi part. 7. Decreti, cap. 68. & extat in ipso Concilio can. 70. pro ut in praesenti transcribitur. De hoc Concilio Meldensi jam nonnulla adduxi in cap. 1. de confit.

CAPVT IV.

Ex ^a eodem.

DE his, qui sponsas alienas rapiunt, vel consensu parentum accipiunt, antiquæ, & synodalis sententia observetur: quod si forte in Ecclesia, eventus talis reperi dignoscitur, ut pro salutis, & religionis competentia humani quiddam debent tractare Pontifices, sicut canonica (ut eisdem verbis utamur) docet auctotoritas; quia prior quidem, inquires, diffinitio durius; posterior autem quiddam tractavit humani, nullo modo, ut ad maximam indulgentiam descendamus, alterius sponsæ acceptor sine publica transeat poenitentia, & iponsa legaliter multam componat. Quod si his obediens renuerit, sine ulla refragatione anathematizetur: fautores vero illius juxta modum culpæ Episcopali decreto poeniteant. Si vero, quod non optamus, de gradu proprio repellatur: et si verisimilibus exinde suspicionibus fuerit propulsus, & canonice nequiverit approbari, secundum sanctorum Patrum statuta se purgare cogatur.

NOTÆ.

Eodem.) Ita etiam legitur in prima collectione, sub hoc tit. cap. 3. & ex eodem Concilio citatur textus hic à Burchardo lib. 9. Decreti,

cap. 32. Carnotensi part. 8. Decreti, cap. 120. extat in canone 68. ipsius Concili pro ut in praesenti transcribitur.

CAPVT